

Ni Presidente
Thomas S. Monson



Ti Awag nga Agserbi ti Mangisalakan

Ammo ti amin a nakaadalen iti matematika no ania ti kayat a sawen ti common denominator. Para kadagiti Santo iti Ud-udina nga Aldaw, adda gagangay a kababalin [common denominator] a mangbegkes kadatayo a sangkamaysa. Dayta a gagangay a kababalin [common denominator] ket maysa nga awag nga awaten ti tunggal maysa kadatayo a mangipatungpal kadagiti naituding nga aramiden iti pagarian ti Dios ditoy rabaw ti daga.

Agbasolka ngata iti panagdayamudom no dumteng kenka ti maysa nga awag? Wenno siyayamanka ngata nga umawat iti tunggal gundaway a makapagserbi kadagiti kakabsatmo, nga ammom a bendisionanto ti Nailangitan nga Amatayo dagiti awaganna?

Sapay ta ditayo koma mapukaw ti pudno a panggep dagiti napapateg a gundaway a makapagserbi. Dayta a panggep, dayta nga agnanayon a panggep a tunoyen, ket isu met laeng ti insao ti Apo ken masarakan iti Perlas a Kapatgan: “Ta adtoy, daytoy ti aramidko ken gloriak—ti mangipatungpal iti saan nga ipapatay ken ti agnanayon a biag ti tao.”¹

Laglagipentayo koma a kanayon a ti kagay ti kinamiembro iti Ti Simbaan ni Jesucristo dagiti Santo iti Ud-udina nga Aldaw ket saan a kagay ti liwliwa no di ketdi maysa a roba ti pagrebbengan. Ti pagrebbengantayo, kas mainayon pay iti panangisalakan iti bagbagitayo,

ket mangtarabay kadagiti dadduma nga agturong iti celestial a pagarian ti Dios.

Babaen ti siaayat a pannagna iti dalan ti panagserbi iti Dios, saantayto iti kaano man maragpat ti saad ti Cardinal Wolsey ni Shakespeare. Naikkatan iti bilegna kalpasan ti napaut a panagserbina iti arina, silaladingit nga insennaayna:

*No nagserbiak la koma iti Diosko nga addaan iti
kagudua ti regta
nagserbiak iti arik, iti kinalakayko saannak a
Pinanawan nga awan bilegna kadagiti kabusorko.²*

Ania a kita ti panagserbi ti idawat ti langit? “Kalikaguman ti Apo ti puso ken ti natallugod a panunot; ken ti natallugod ken natulnog manganto iti nasayaat iti daga ti Zion kadagitoy maudi nga aldaw.”³

Agsardengak no panunotek dagiti balikas ni Presidente John Taylor (1808–87): “No saanmo nga aramiden a nasayaat dagiti takem a nakaawagam, pagsungbatenakanto ti Dios kadagiti mabalin koma nga insalakanmo no inaramidmo ti pagrebbengam.”⁴

Kas iti agrimrimat a silaw nga agsapsapul iti kinaimbag ti biag ni Jesus bayat ti panaginistrana kadagiti tao. “Kadakayo siak ti kasla agserbi,”⁵ impakdaar ni Jesus idi pinapigsana dagiti saka ti pilay, insublina ti

panangkita ti bulsek, panagdengngeg ti tuleng, ken pinagungarna ti bagi ti natay.

Babaen ti pangangarig ti naimbag a Samaritano, sinuruannatayo ti Maestro nga ayatentayo dagiti kaar-rubatayo kas iti bagbagitayo.⁶ Babaen ti sungbatna iti nabaknang nga agtutubo nga agturay, sinuruannatayo a mangpamek iti kinamanagimbubukodtayo.⁷ Babaen ti panangpakanna iti 5,000, sinuruannatayo a mangkita kadagiti kasapulan dagiti dadduma.⁸ Ken babaen ti Kaskasaba iti Bantay, sinuruannatayo a mangsapul nga umuna iti pagarian ti Dios.⁹

Iti Baro a Lubong, impakdaar ti nagungar nga Apo, “Ammoyo dagiti banag a rumbeng nga aramidenyo iti simbaanko; agsipud ta dagiti aramid a naimatanganyon nga inaramidko ti aramidenyonto met; ta no ania dayta nakitayo nga inaramidko kastanto met ti aramidenyo.”¹⁰

Mabendisionantayo dagiti dadduma no agserbitayo iti salinong ni “Jesus a taga Nazaret . . . isu a namagpagna a nagar-aramid iti kinaimbag.”¹¹ Bendisionannatayo ti Dios a mangsarak iti rag-o iti panagserbi iti Nailangitan nga Amatayo bayat ti panagserbitayo kadagiti annakna iti daga.

DAGITI NAGADAWAN

1. Moises 1:39.
2. William Shakespeare, *King Henry the Eighth*, act 3, scene 2, lines 456–58.
3. Doktrina ken Katulagan 64:34.
4. *Teachings of Presidents of the Church: John Taylor* (2001), 164.
5. Lucas 22:27.
6. Kitaen iti Lucas 10:30–37; kitaen met iti Mateo 22:39.
7. Kitaen iti Mateo 19:16–24; Marcos 10:17–25; Lucas 18:18–25.
8. Kitaen iti Mateo 14:15–21; Marcos 6:31–44; Lucas 9:10–17; Juan 6:5–13.
9. Kitaen iti Mateo 6:33.
10. 3 Nephi 27:21.
11. Dagiti Aramid 10:38.

PANANGISURO MANIPUD ITI DAYTOY A MENSAHE

“[Ti Apo] saannanto nga ipalubos a mapaaytayo no aramidentayo ti pasettayo. Padur-asennatayo uray iti labes dagiti bukodtayo a talento ken kabaelan. . . . Maysa daytoy kadagiti kasasam-itan a padas a mabalina a sumangbay iti maysa a tao” (Ezra Taft Benson, iti *Teaching, No Greater Call* [1999], 20). Ibilangmo ti panangibinglay iti maysa a padas no nakariknaka wenno ti maysa a tao nga am-ammom a pinadur-as ti Apo dagiti talento ken kabaelanna. Awisem ti familia a mangibinglay iti sumagmamano kadagiti bukod a napintas a padasda bayat ti panangsungbatda iti “awag nga agserbi ti Mangisalakan.”

AGTUTUBO

Panagserbi iti Templo

Ni Benjamin A.

Iti agtawenak iti 17, rinugiak a pinampanunot a sipapasnek maipapan iti masakbayak, ket inkararagko iti Nailangitan nga Ama maipanggep no ania ti maaramidko tapno agsagana a mapan iti mision ken umawat iti Melchizedek Priesthood. Nariknak a nasken a masansan a mapanak iti templo gapu ta daytoy ti balay ti Apo ken ti lugar a pakariknaak a nakaas-asidegak iti Nailangitan nga Amak.

Isu a nangitulingak iti maysa a panggep a tun-oyen nga agaramidak iti 1,000 a panagbuniag iti maysa a tawen. Pudno a nariknak ti panagkasapulan nga itulingko daytoy a panggep a tun-oyen; nagayunoak tapno ammuen no daytoy ti nasken nga aramidek. Sinungbatannak ti Nailangitan nga Amatayo, ket rinugiak ti napan iti Tampico Mexico Temple iti tunggal Sabado.

Kalpasan ti pannakaaramidko ti 500 a panagbuniag, nangitulingak iti maysa a panggep a tun-oyen nga agaramid iti family history research kadagiti kapuonak, ket nagustuak unay ti panagaramidko iti panagsukisok gapu ta saanak a nakaturag gapu ta sinapsapulko dagiti nagnagan. Nakasarakak iti 50 a nagnagan ken walo a henerasion ti pakasaritaan ti pamiliak; timmulongak a maaramid ti aramid iti templo para iti amin kadakuada.

Inggibusko ti panangaramidko iti nasurok a 1,300 a panagbuniag, ken nagturposak iti seminary, immawatak iti Melchizedek Priesthood, ken agserserbiak itan kas full-time a misionario, a maysa kadagiti kadakkelan a panggepko a tun-oyen iti biagko.

ANNAK

Makaaramidak iti Maysa a Banag para kadagiti Dadduma

Makaaramid ti tunggal maysa kadaytoy iti maysa a banag a makatulong kadagiti dadduma. Insuro ni Presidente Monson a nasken nga ayatentayo ti tunggal maysa ken sursuruentayo ti mangkita no

kasano a makatulongtayo kadakuada.

No mangrabiikayo a sangapamilyaan, isingasingmo a mangibinglay ti tunggal miembro ti pamilia iti maysa

a banag nga inaramidna a nakapagserbi iti maysa a tao iti dayta nga aldaw. Isuratmo dagiti bukodmo a padas iti panagserbim iti diurnalmo iti inal daw.



Pammati, Pamilia, Tulong

Panagtignay iti Oras ti Panagkasapulan

Sikakararag nga adalem daytoy a material ken, no mayannatup, ilawlawagmo daytoy kadagiti kakabsat a babbai a sarungkaranyo. Usarem dagiti saludsod a makatulong kenka a mangpapgisa kadagiti kakabsat a babbai ken tapno mangaramid iti Relief Society kas aktibo a paset ti bukodmo a biag.

Kas visiting teacher, maysa kadagiti panggeptayo ket mangtulog a mangpapgisa kadagiti pamilia ken pagtaengan. Nasken a kabaelan nga isao dagiti kakabsat a babbai a sarungkarantayo, “No adda problema, ammok a tulongannakto dagiti visiting teacherko a dida ur-urayan a makiddaw.” Tapno makapagserbi, addaantayo iti pagrebbengan a mangammo kadagiti kasapulan dagiti kakabsat a babbai a sarungkarantayo. No agkalikagumtayo iti pammaregta, maammuantayonto no kasano ti mangipaay kadagiti naespirituan ken naindagaan a kasapulan ti tunggal kabsat a babai a naidutok kadayo a sarungkaran. Kalpasanna, iti panangusartayo iti panawen, paglaingan, talento, kararag ti pammati, naespirituan ken nainriknaan a suportatayo, makatulongtayo a mangted iti serbisio ti pannakipagrikna kadagiti panawen ti panagsakit, ipapatay, ken dadduma pay a naisangsangayan a pasamak.¹

Babaen ti tulong dagiti report manipud kadagiti visiting teacher, ilasin ti panguluen ti Relief Society dagitay addaan kadagiti naisangsangayan a panagkasapulan gapu iti panagsakit iti bagi wenno rikna, kellaat a

panagkasapulan, panaganak, ipapatay, pannakabaldado, panagladingit, wenno dadduma pay a pannubok. Kalpasanna ireport ti presidente ti Relief Society dagiti natakuatanna iti bishop. Babaen ti panangiturong ti bishop, makitunos ti presidente ti Relief Society iti pannakaipaay ti tulong.²

Kas visiting teacher maaddaantayo iti “naindaklan a gapu . . . iti pagragsakantayo” gapu iti “bendision a naipaay kadayo, ta naaramattayo a ramit dagiti ima ti Dios a mangipatungpal itoy naindaklan nga aramid” (Alma 26:1, 3).

Manipud kadagiti Nasantuan a Kasuratan

Mateo 22:37–40; Lucas 10:29–37; Alma 26:1–4; Doktrina ken Katulungan 82:18–19

Manipud iti Pakasaritaantayo

Kadagiti immun-una a tawen ti Simbaan, bassit ti bilang dagiti miembro ken sentralisado. Alisto a mangted iti tulong dagiti miembro no agkasapulan ti maysa a tao. Iti agdama nasuroken a 14 a million ti bilang dagiti miembro ken agsakanap iti intero a lubong. Ti visiting

teaching ket paset ti plano ti Apo a mangipaay iti tulong iti amin nga anakna.

“Ti kakaisuna a wagas a makaipaay iti tulong ken liwliwa iti intero a simbaan a kasta unay ti kadakkelna iti maysa a lubong a naidumduma ket babaen kadagiti katulonganna nga asideg kadagiti tao nga agkasapulan,” kinuna ni Presidente Henry B. Eyring, Umuna a Mammagbaga iti Umuna a Panguluen.

“. . . Tunggal bishop ken tunggal branch president ket addaan iti presidente ti Relief Society a pagpannurrayan,” intuloyna. “Addaan isuna kadagiti visiting teacher a makaammo kadagiti pannubok ken kasapulan ti tunggal kabsat a babai. Kabaellan, babaen dagiti visiting teacher, nga ammuen ti kaunggan dagiti individual ken pamilia. Kabaellan nga ipaay dagiti kasapulan ken tulongan ti bishop iti takemna a mangaywan kadagiti individual ken pamilia.”³

DAGITI NAGADAWAN

1. Kitaen iti *Handbook 2: Administering the Church* (2010), 9.5.1; 9.6.2.
2. Kitaen iti *Handbook 2*, 9.6.2.
3. Henry B. Eyring, iti *Daughters in My Kingdom: The History and Work of Relief Society* (2011), 110.

Ania ti Maaramidko?

1. Us-usarek kadi dagiti sagut ken talentok tapno mabendisio- nan dagiti dadduma?

2. Ammo kadi dagiti kakabsat a babbai nga ay-aywanak a naa- yatak a tumulong kadakuada no adda kasapulanda?

Para iti ad-adu pay nga impormasion, mapan iti reliefsociety.lds.org.